



ISMAIL (kiri) dan **Erison** (kanan) menandatangani surat niat (LoI) di majlis itu.

Persidangan kemampanan kampus platform UMS kongsi ilham

UB 8.4.2015 B5

Oleh **YAP SIONG HAN**

KOTA KINABALU: Persidangan wilayah terhadap kemampanan kampus adalah satu platform bagi Universiti Malaysia Sabah (UMS) mengetuai dan berkongsi idea kemampanan serta perbincangan di wilayah ini.

Naib Canselor UMS Prof Datuk Dr Mohd Harun Abdullah berkata, UMS sangat menghargai kerjasama daripada rakan seperti Universiti Malaya, Universiti Palawan dan Universiti Adamson.

“Sebagai sebuah universiti yang menjadi tunjang utama di negeri ini, adalah menjadi tanggungjawab untuk mendidik dan menyelidik serta memacu ke arah pengurusan yang lebih mampan dalam sumber asli kita.

“UMS mempunyai Institut Biologi Tropika dan Pemuliharaan, Institut Penyelidikan Marin Borneo serta Institut Penyelidikan Bioteknologi yang bersatu memainkan peranan untuk membawa

agenda kemampanan kepada negeri dan juga seluruh dunia,” katanya ketika merasmikan Persidangan Wilayah ke atas kemampanan kampus kali kedua 2015, di sini kelmarin.

Teks ucapannya disampaikan oleh Timbalan Naib Canselor (Hal Ehwal Pelajar dan Alumni) Prof Madya Dr Ismail Ali.

Harun berkata, UMS telah membuat satu perubahan yang besar dalam meningkatkan usaha kemampanan dengan menamakan universiti itu sebagai EcoCampus.

Katanya, universiti mestilah bertindak sebagai ketua dalam memelihara dan menjaga alam sekitar sambil menyediakan idea penyelesaian secara domestik dan juga antarabangsa menerusi sesi pengajaran, penyelidikan, pengurusan dan pengamalan.

Katanya, kini UMS berkongsi kepakaran, dapatan kajian dan inovasi di arena global menerusi

pelbagai saluran yang turut mempunyai usaha mengekalkan kemampanan alam sekitar.

Sementara itu, Pengarah Pusat Pengurusan Eco-Campus UMS Prof Madya Dr Justin Sentian berkata, fokus persidangan itu adalah menerokai dan menguatkan lagi idea yang diilhamkan dalam usaha mengekalkan kemampanan kampus.

Katanya, konsep kemampanan kampus memerlukan satu komitmen dan kesungguhan yang kuat daripada semua peringkat level komuniti dalam sesebuah universiti.

“Dalam usaha menjadikan UMS ini sebagai universiti yang mampan, kita menyasarkan UMS menjadi sebuah universiti yang mempunyai reputasi yang sangat baik dalam kemampanan,” katanya.

Hadir sama dalam majlis itu ialah wakil daripada Universiti Adamson Dr Erison C Roque serta tetamu kehormat lain.